



Ministol 'Tacomuwakon

## Skicinuwikiskahq Ktonuhkok

Niponi Kisuhs Elokimut Nisinsk 'cel Neqt, Elikotok Nisamkqahk Nisinsk 'cel Nis · Moncton, New Brunswick · [Atlantic Canada Opportunities Agency \(ACOA\)](#)

Kcitposit Ginette Petipas Taylor, Ministol 'ciw Iktasikil Latuwewakonol naka Ministol ehcuwi tpinok elluhkhotimok Atlantic Canada Opportunities Agency (ACOA), kisuwikhomon acomuwakon 'ciw Skicinuwikiskahk elokimut Niponi Kisuhs Nisinsk 'cel neqt:

"Skicinuwikiskahk, mihqitasik ehtahsikotok wesuwewsewik, ktonuhkot namkomihptasik skicinuwawsuwakon, psiw wolotakewakonuwal naka kehsok wicuhketuwakonuwal psiw skicinuwok, Inuituwicik naka Mettiwicik."

"Pemkiskahk naka ehtahsikiskahk, kiniluwemolupa weci tpostuweq naka kminuwikehkitomuniya psiw nutomeq naka 'tatkuhkakuwa. Kwiciyetomuniya kehsok milonukahkiyil qihiw ewikultiyeq. Wicuhketomuk ona elluhkewinuultihit, maceluhkhoticik naka nuci amalhocossawiyacik."

"Yut Waponahkik eli nunomeq Atlantic Canada nit psiw wetapeksultihit Mi'kmaq, Wolastoqewiyik naka Peskotomuhkatiyik naka Inuituwicik, Innuwicik naka Mi'kmaqicik 'ceyawihtit Punkik eliwihitaskil Newfoundland naka Labrador, naka tena wetapeksultitponik Beothukuwicik. Nikanikapuwicik Kanatyesok spiwolamewihtahasuwok weci askomi kcitomitahatomuhtit psiw piluwi wetapeksimok naka piluwi kcicihtuwakonol psiw skicinuwok nekotomuwopton naka tokec ehcuwi namkomihptuhtit."

"Ntoluhkewakon eli nikanikapuwi qeni ministoluwi 'ciw ACOA, Kinitahas tan ci nomihtu wicuhketuwakonol 'sapi nomihtasikil skicinuweyal naka yuttol mace luhkatasikiyil eci woli pomiyekil 'ciw toqiw ote skicinuweyal naka tena wenuhcuweyal elluhkewinuwal wewinaqotol eli psiw ote wen wolapetomonol. Tan ci mawolluhkhotimok wewinaqot eli keluwahk 'ciw psiw wen, nit opocil psiw wen kinitahatok weci 'sapawsuwik."

"Mocel Kamahcin Kehsinsk 'cel Kamahcin kehsikil Skicinuwi- nikanihptasikil mace luhkatasikiyil kosona kis 'sapi nomihtuwasikil Waponahkik naka Innuwik eli nunomeq Atlantic Canada 'ciw Skicinuwi Nikanikapuwicik Ikatomuhtit Elokiskahk weci skat 'sanaqok ellatomuhtiyeq. Toqiw ote Wocawsonoyal naka Kisuhsuweyal ewehkasuwol kapiw kihkaneyal weci kisikonomuhtit keluwahk micuwakon naka 'pisunol."

"Kotokil Skicinuweyal Elluhkewinuwal ACOA wicuhketomuhtit nihtol kehikemuwakonol 'ciw Skicinuwi ehpicik weci namkomi wicuhketomuhtit elluhkewinuwal, naka mace luhkatomuniya skicinuweyal monuwasikil kosona 'sotomuniya skicinuwawsuwakon 'ciw pili petapasicik qeni wikuwamkahtihit Waponuwok eli nunomeq Atlantic Canada."



Atlantic Canada  
Opportunities  
Agency

Agence de  
promotion économique  
du Canada atlantique

“Qeni mawolluhkhotiyeq matonomeq etoli ‘sanaqok milokiskahkiyil naka kmawolluhkhotinen weci askomi mawi ‘sapawsultiyeq. ‘Kiniluwemolupa psiw ewikultihtit Waponahkik naka Innukik, eli nunomeq Atlantic Canada weci kcitomitahameq Skicinuwi Kcicihtuwinuhticik naka mecomiw ote sankewi kpapehcimaniya ‘cicihtuwakonuwa naka ‘ktuwehkaniya skicinuwitahasuwakonol kisokehkimsiyeq ehtahsikiskahk elluhkiyeq.”

## Mattoktemuwine

Marianne Blondin

Press Secretary

Office of the Minister of Official Languages and of the  
Atlantic Canada Opportunities Agency

[marianne.blondin@acoa-apeca.gc.ca](mailto:marianne.blondin@acoa-apeca.gc.ca)

## Stay connected

Follow ACOA on [Facebook](#), [Twitter](#), [LinkedIn](#) and [Instagram](#).